

四庫全書

子部

欽定四庫全書

子部

秘殿珠林卷

二至五

詳校官中書

臣

吳璫

助教

臣

常循

覆勘

總校官降調編修

臣

倉聖脉

校對官編修

臣

何循

騰錄監生

臣

賀雲錦

欽定四庫全書

秘殿珠林卷二目錄

貯

乾清宮二

名人書

釋氏經冊上等

唐白居易書楞嚴經一冊

元趙孟頫書心經一冊

元趙孟頫書心經一冊

元趙孟頫書心經一冊

元趙孟頫書四十二章經一冊

明文徵明書金剛經一套二冊

明文徵明書金剛經一冊

明文徵明書藥師經一冊

明董其昌書金剛經一冊

明董其昌書金剛經四冊

明董其昌書金剛經上下二冊

明董其昌書白衣大悲陀羅尼經一冊

明董其昌書白衣大悲陀羅尼經一冊

明董其昌書心經一冊

明董其昌書心經一冊

明董其昌書白居易諸偈一冊

明胡廣書真寶名經一冊

明黃輝等合書法華經七冊

明林大有書三十二體金剛經四冊

欽定四庫全書

秘殿珠林卷二

貯

乾清宮二

名人書

釋氏經冊

唐白居易書楞嚴經一冊

上等天一

唐箋本楷書款云香山白居易書無印音譯八

字後有寶慶改元花朝後三日重裝于寶易樓  
遜志題十八字前後俱有紹興璽波羅蜜室印  
首幅上角半印不可識又半印存室印二字末  
幅上角半印存御府二字又半印不可識每頁  
前幅邊有半印存珍藏二字後幅邊有半印存  
會印二字冊共一百幅三百九十七行幅高八  
寸三分廣四寸查對經文係第九卷後半卷經  
文遺失者二處裝潢顛倒者三處趙明誠跋云



淄川邢口氏之邨邱地平瀾水林晶消牆麓确  
确布錯疑有隱君子居焉問之茲一村皆邢姓  
而邢君有嘉故潭長好禮遂造其廬院中繁花  
正發主人出接不厭余爲茲州守而重余有素  
心之馨也夏首復相經過遂出樂天所書楞嚴  
相示因上馬疾驅歸與細君共賞時已二鼓下  
矣酒渴甚烹小龍園相對展玩狂喜不支兩見  
燭跋猶不欲寐便下筆爲之記趙明誠又李維

禎記語云萬曆庚戌仲夏二十日江陵蘇惟霖  
夏邑彭端吾金谿謝廷璜京山李維禎同觀于  
邗溝舟中維禎識後有梅氏秘玩印一

御筆題籤籤上有乾隆御覽之寶小璽

按此卷雖殘闕然的是樂天真蹟筆意圓勁飄  
逸雅稱其詩

元趙孟頫書心經一冊

上等天一

宋箋本行楷書款識云至大元年十月廿三日

三寶弟子趙孟頫書下有趙孟頫印趙氏子昂  
趙氏書印三印經前有神品天籟閣項墨林鑒  
賞章諸印又二半印存元汴山人四字掛角有  
牒字小號經後有墨林子子京父印項元汴印  
子孫世昌寄傲墨林秘玩項子京家珍藏橋李  
項氏世家寶玩項氏子京淨因庵桃里諸印後  
有元僧明本跋云一心貫萬法乃其同也萬法  
歸一心是謂真然此經乃般若心之要旨也有

集賢大學士趙公手書以畱松江府同真庵永

以爲珍藏建是庵者

缺一字

信士鳳道祥同妻沈

氏妙真也命真庵之名者乃西天目山幻住沙  
門明本也當知一心不動此庵亦與之不動萬  
法不移此庵亦與之不移即其不動同般若體  
即其不移真般若用體用無盡俾居是庵者咸  
證般若由是用記其歲月云時至大戊申仲冬  
圓日明本謹題又項元汴記云明萬曆元年仲

秋望前九日大乘弟子墨林項元汴熏沐奉持  
跋後有淨因庵主退密子京所藏虛朗齋項墨  
林父秘笈之印項叔子項墨林鑑賞章世外法  
寶蒼巖蕉林居士諸印又角邊三印缺其半存  
墨林項元汴氏宮保諸字押縫有平生真賞印  
一計三頁頁高九寸二分廣八寸三分

御筆題籤籤上有乾隆宸翰小璽

元趙孟頫書心經一冊

上等  
地二

磁青箋本泥金行書款云松雪道人書下有趙  
孟頫印一前有仇英畫大士出山像款識云嘉  
靖丙辰四月八日弟子仇英盥沐拜寫下有十  
洲仇英實父二印後有仇英畫韋馱像款署實  
父下有十洲印一計八幅幅高六寸七分廣三  
寸八分

御筆題籤籤上有乾隆宸翰小璽

元趙孟頫書心經一冊

上等  
地三

磁青箋本泥金行楷書款云松雪道人書下有  
趙孟頫印一前有周荃補繪大士像款識云順  
治甲午四月八日周荃沐手敬繪有周荃花溪  
老人三印後有周荃畫護法像款署荃下有周  
荃印一俱宋箋本白描畫計八幅幅高六寸七  
分廣三寸八分

御筆題籤籤上有乾隆宸翰小璽

元趙孟頫書四十二章經一冊

上等  
地四

宋箋本行楷書款識云佛法自東漢始入中國  
此經爲第一要其極始于戒終于空而已一大  
藏教五千餘卷未嘗出于此也集賢侍讀學士  
正奉大夫吳興趙孟頫書後有趙氏子昂松雪  
齋二印經文前有趙孟頫印印一首尾俱有成  
化之寶前有如來像後有韋馱像俱着色畫計  
四十九幅幅高七寸八分廣三寸九分前副頁  
御題轉大法輪四大字前有乾隆宸翰璽一



明文徵明書金剛經一套二冊

上等元一

宣德箋本小楷書款識云嘉靖改元壬午秋九月既望衡山居士書下有徵明印一後有文彭跋云右金剛經小楷一帙先內翰為存菊王君書也存菊名聞宇達卿祿之吏部從兄以醫鳴吳中善談名理洒落不羈有晉人風與先君最契故所為作書畫必極精此經書時先君甫五十三歲政工力精到時結體行筆非他書可及

知書者宜珍秘之壬戌仲冬十有七日男彭謹  
識又彭年跋云嘉靖癸亥春王正月十日過酉  
室吏部堅白齋觀此金剛小楷蓋衡翁最經意  
筆也寶之當重于連城哉後學彭年謹題上冊  
計十七頁下冊計九頁頁高六寸八分廣六寸  
有奇

御筆題籤籤上有乾隆宸翰小璽

明文徵明書金剛經一冊

上等  
元二

宣德箋本小楷書款識云嘉靖十年歲次辛卯  
夏四月廿又五日書于玉蘭堂衡山文徵明下  
有文徵明印徵仲二印又自識云友人王仲翰  
以菩薩相現宰官身奉佛至謹晚年構一精舍  
竹床蒲椅朝梵暮磬寂如老禪每過余齋頭即  
索予書金剛般若余辭以非朝夕能竟浴佛曰  
復齋戒跏請至再即不獲辭因憶蘇文忠書四  
十二章經趙文敏書度人經及諸品蓮經古人

寫經大有功德遂屏居靜室薰沐楷書以塞中  
翰之請且與如來結緣也丙申秋七月朔徵明  
再識下有徵明聯印經文前有玉蘭堂印吳磐  
之印大雍氏大雍諸印經文後有吳磐之印沂  
公枕流漱石李氏長白鑒藏李之粹印志在春  
秋桐江道人王氏沂公珍藏書畫王紹曾印唐  
瀧之印靈水諸印又大雍氏吳映奎印各二經  
前素箋有錢穀畫如來古相款云後學錢穀拜

寫下有錢氏叔寶印一又吳磐印大雍吳映奎  
印三印經後金粟箋有王穀祥跋云衡山先生  
小楷世不多得而是帙金剛經端楷工藝用筆  
時若有神力所護先生云王中翰請之已久三  
易寒暄方始書就想亦寵驚之好信有是哉宜  
寶之嘉靖甲寅上巳酉室王穀祥識後有大雍  
氏印一又陸師道跋云衡山先生小楷愈小愈  
妙大書愈大愈奇可謂能兼蔡君謨石延年之

所不能兼者也況此金剛經凡數千百言而以  
垂白之年端坐精楷出規入矩無一筆苟簡則  
松雪翁之書靈寶經不是過矣孰謂古今人不  
相及哉五湖居士陸師道後有吳磐印大雍桐  
江道人三印計三十四幅幅高七寸八分廣三  
寸七分

御筆題籤籤上有乾隆宸翰小璽

明文徵明書藥師經一冊

上等  
元三

宣德箋本小楷書款識云正德辛巳夏六月薰  
沐敬書于停雲館中長洲文徵明下有徵明聯  
印經前仇英著色畫藥師佛像款云仇英謹製  
下有仇英印一經後墨畫天王像下有十洲仙  
史印一後有文彭隸書跋云先君手書藥師經  
一卷乃正德辛巳在薦福寺書奉古泉大師者  
于時摹倣歐陽率更筆力心神超入聖品耳學  
之徒未曾望見王氏藩籬妄置喙于義獻父子

問如矮人觀場隨人哢說此大令所以有外人  
那得知之言也男彭敬題又陸師道跋云本願  
功德不可思議衡山先生書以精楷適勁整肅  
力逼率更九成宮碑卷首慈容爲仇君之筆相  
好端嚴允稱合作宜世之奉如聯璧也惜未得  
石刻流傳使學者朝持夕誦則其福勝彼更不  
可思議矣嘉靖二年二月廿二日五湖陸師道  
謹書又許初錢貢記云甲子春日弟子高陽許



初錢貢同舍十拜觀又戒僧道澄敬諷一過八  
字又彭年跋云甲子春仲予養疴九龍山中日  
與衲流談空頗有會處因得見文太史所書藥  
師尊經澄心閱之真毘盧心印大願共深能與  
有情冰消冤業者持之浹旬頓覺身心霍然我  
佛妙諦自當信受世生生永不退轉茲四月  
八日隨喜浴佛將欲入城敬誌卷末以歸常住  
云隆池山樵彭年通計二十八頁頁高五寸三

分廣四寸六分

御筆題籤籤上有乾隆宸翰小璽

按此冊蠅頭小書絕似率更九成宮醴泉銘史  
稱文徵明書鷄林烏弋航海梯山而來丐其豪  
翰良有以也

明董其昌書金剛經一冊

上等黃一

金粟箋本楷書前有款云明禮部尚書董其昌  
書後有高士奇跋云唐時最重此經徐季海柳

誠懸皆書之今不可得董尚書用宋經紙書此  
筆法規摹顏平原令人見之莊肅生敬又聞有  
一卷分章書者在塘西人家余內直時曾奉

勅寫二部今家居又自寫五部筆法未有長益惟于夢  
幻泡影句似有感觸覺嗜慮之心日淡耳康熙

三十二年癸酉二月十六日詹事高士奇敬跋  
經前有佛像後有韋馱像俱磁青箋本泥金畫  
經前有高士奇圖書記教忠堂藏二印後有高

士奇澹人二印計三十七頁頁高八寸三分廣

八寸五分

明董其昌書金剛經四冊

上等黃二

朝鮮鏡光箋本楷書第一冊前有款云明禮部

尚書董其昌書第四冊後有宋之繩記云辛卯

十二月二十日後學宋之繩觀十四字每冊前

有如來像後有韋馱像俱磁青箋本泥金畫第

一冊計三十七幅第二十幅第三行下有十月

初一書五小字第二冊計二十三幅第三冊計二十五幅第四冊計二十八幅末行經名下有十月十五四小字幅高七寸九分廣四寸一分明董其昌書金剛經上下二冊

上等黃三

宣德鏡光箋本楷書上册前有款云明禮部尚書董其昌書下冊後自跋云丙寅年十月書此經朔日起望日竟壬申二月應宮詹宗伯之召道出淮陽長兒祖和從行至清河命之歸侍母

龔淑人念淑人奉三寶虔甚而余寫金剛經薦  
資父母冥福凡三本其一壬辰春書藏于雲栖  
蓮池大師禪院之庫中每有追薦大師出余手  
書令僧持誦其一即此冊相去四十年目力腕  
力不甚遠豈般若種子微有贊助耶以付祖和  
永爲世守耳二月朔思翁識上冊計三十頁第  
十頁第八行有丙寅十月初一書七小字下冊  
計二十八頁第二十七頁第三行經名下有十

月十五四小字頁高七寸九分廣八寸四分

明董其昌書白衣大悲陀羅尼經一冊

上等黃四

朝鮮鏡光箋本行書款識云華亭董其昌書施

求嗣者轉誦以神咒功德生福德智慧之男紹

隆佛法無有窮盡戊午嘉平月之朔冊首有董

氏家藏印一計七頁頁高七寸九分廣八寸四

分

明董其昌書白衣大悲陀羅尼經一冊

上等黃五

宋箋本楷書款識云香光居士董其昌敬書壬申八月廿六日下有宗伯學士董氏元宰二印計四頁頁高八寸二分廣七寸四分

明董其昌書心經一冊

上等黃六

朝鮮箋本楷書款識云丁卯六月朔書其昌下有大宗伯章董其昌印二印前後俱有退道人孫承澤印二印計六頁頁高六寸六分廣同

明董其昌書心經一冊

上等黃七



朝鮮鏡光箋本楷書款識云天啓七年歲在丁卯元旦書其昌又自跋云寫經俱用正書以歐顏爲法欲觀者起莊敬想無印計十二幅幅高四寸一分廣二寸三分

御筆題籤籤上有乾隆宸翰小璽

明董其昌書白居易諸偈一冊

上等黃八

金粟箋本行楷書前書八漸偈識云白香山得法于鳥窠禪師其生平宦路升沈皆以禪悅消

融入不思議三昧此八偈名爲漸偈實頓宗也  
蘇端明亦是樂天輩人筆鉅更峻利不知受用  
處似香山何如耳乙丑九月朔書于采芹堂次  
書六偈識云右六偈亦香山太傅作乙丑九月  
二十日爲孫庭生日書以付之後有思翁印一  
未附逍遙詠識云此亦白文公詩亦可爲禪偈  
公所得法于鳥窠和尚者如此欸署其昌下有  
董其昌印一計十六幅幅高六寸八分廣四寸

八分

明胡廣書真實名經一冊

上等字一

磁青箋本泥金楷書款云臣胡廣奉勅敬書經中有貝葉文前畫佛像後畫韋馱像通計三十六頁頁高八寸七分有奇廣七寸六分有奇

按胡廣書流傳者少雖未定其真贋顧楷法精詳筆意淳美實為名跡

明黃輝等合書法華經七冊

上等字一

磁青箋本泥金書行楷各體第一冊黃輝書款  
識云萬厯己亥秋八月佛弟子幻如居士黃輝  
齋沐稽首敬書第二冊范允臨書款識云萬厯  
己亥九月十六日賜進士出身南京兵部車駕  
司主事范允臨薰沐敬書後有長倩范允臨印  
二印第三冊嚴澂書款識云萬厯己亥歲八月  
望弟子嚴澂薰沐和南書願佛慈恩攝度父嚴  
訥母吳氏頓證真如法性漸消曠劫無明澂與

法界衆生共泛慈航均登彼岸第四冊周祖書  
款識云萬歷戊戌八月二十又六日佛弟子交  
蘆居士周祖謹書第五冊周叔宗書款識云明  
萬歷己亥九月十日交蘆居士周叔宗齋沐書  
第六冊范允臨書款識云萬歷己亥八月廿八  
日駕部郎范允臨薰沐拜手書後有長倩范允  
臨印二印第七冊黃輝書款識云萬歷己亥秋  
九月佛弟子幻如居士黃輝齋沐稽首敬書首

冊經前有如來像末冊經後有韋馱像俱泥金  
畫第一冊通計八十四頁第二冊計七十七頁  
第三冊計七十五頁第四冊計八十七頁第五  
冊計八十五頁第六冊計七十九頁第七冊計  
六十四頁頁高一尺一寸有奇廣七寸五分有  
奇

明林大有書三十二體金剛經四冊

上等  
洪一

素箋本每分一體各體俱有楷字釋文冊首經

名下隸書宋靈隱寺僧莫庵道肯集篆奉佛弟子楚黃梅洪度重臨崇禎己巳三山林大有復臨第一冊前序云余往自河上言歸取人所棄地于黃蓮之洲堤而耕之創丈室以比澗槃因自號黃蓮居士戊申夏五月十六日洪水潰堤而入田廬沒焉余僅以身免入城居又十日余當知非之辰以長齋謝客獨掩一室禮佛求懺悔二十七日午出一蒼頭進曰頃鼓棹顏垣之

下有篋浮來觸舟取視之中藏故紙似已浥爛  
夜若有鬼物守此者大驚夢寐不知其何物也  
余命男道春展暴日中點畫如新始知為古刻  
集篆金剛經蓋宋僧道肯因五代僧夢英所集  
十八體增成三十二體者也計得經在余求懺  
之時又素經行觀息處余以是因緣大驚喜報  
家大人逸齋翁集親朋同觀咸驚喜以為得未  
曾有往徒聞水螺護經之異而今身親見之矣



客有能以符咒致鬼神者問之得絕句詩二其  
一曰何處經文翻貝葉洪濤千丈擁毫光龍宮  
瀉出非凡手海藏輸來獻法王其二曰維摩丈  
室已隨波護法諸天幾度過爲示原頭真脉絡  
金剛一部本無多其然豈其然乎余遍訪緇流  
罕有見是全本者會詔起田間疏辭不獲奉與  
俱行偶過白下出示友人段諫議諫議謂宜擇  
善手摹之梓以流布余欣然付焉諫議久求善

手不得而會世相方熾人我封事互爲干戈以  
庚戌之夏發憤歸里余亦以遷秩歸相值于白  
蓮峯下故是本復歸于余得奉之以入雲中余  
有門人洪度相從不舍嚮但知其篤志禪理不  
知其善諸體篆也一日度披誦是經再拜請曰  
是有白下不了之緣緣或在茲惟願示我般若  
實義則可余曰是本垂洪濤而來莫知來處置  
之白下亦無去處是經義也理事不思議之境

余安能言今強爲子言之須菩提首讚如來二  
善固已該一經大旨矣此直指如來無我相也  
夫如來智慧德相不以生生不以滅滅實蠢動  
含靈之所皆有也七識妄執我相于性爲依他  
于量爲非實胎卵濕化之所本無也凡見有佛  
有衆生者皆屬我相故世尊成道之日一成即  
見一切皆成夫是之謂令入無餘涅槃夫是之  
謂善護念付囑空生已見及此而猶別求住心

降伏心法者爲衆生設問耳佛言更無別法與  
爾卽如爾所說善護念付囑者爲汝說之夫寧  
獨如來爲然諸菩薩摩訶薩皆應如是矣乃至  
重申問答謂寧獨菩薩爲然卽善男子善女人  
初發菩提心者皆應如是矣何謂發心心卽如  
如也發卽般若也非如外有智也而如體發光  
還自照如乃所謂作如是觀也觀則大智與大  
悲無二法自度與度衆爲一時也洪生曰是心

飄動如野馬故應求住住之則躁急若羈猿故  
應求降伏寧無漸次方便而頓以初心等如來  
乎余曰試觀心之輪轉不住躁難降伏者其相  
非我耶三相者我之粗執伏而微執見也莫非  
我也故凡心之苦于不住者非以不住故不住  
以住故不住也住即蘊結之暗相無住即普照  
之慧光故經以般若爲名而義以無住爲實無  
住之住則不降伏之降伏也彼與生滅心爲敵

者降鮮不叛矣是故菩薩發心正在初發時發  
其不生不滅無我無人之心如來謂之發大乘  
者謂之發最上乘者豈其發後以度生自降而  
曰無能度所度乎是以攀緣心爲因以涅槃心  
爲果則蒸砂之飯曠劫所不能熟也夫大覺如  
海想聚成沫沫性本空我見爲病病在蘊結故  
藥之以通達無我而病幻藥亦幻故即度生之  
謂無我別無所爲無我即無我之謂度生別無

所爲度生即無我無人之謂般若終不立般若  
以破相但以破相顯般若耳或者以度生對執  
我之症而馳求生功德之想是藥我者轉以增  
長我也如來深有憫焉故以有施破外執之相  
以有得破內執之相不覺其再三言之何也以  
實施滿三千大千世界又至施滿恒河沙數三  
千大千世界又至施滿無量阿僧祇世界見謂  
功德愈多愈長皆我所也是煩惱之根也以命

施如恒河沙又至施滿初終後日又至施及無  
量百千萬億劫見謂功德愈多愈長其舍我也  
其取亦我也是煩惱之根也清靜慧發煩惱相  
除識陰未空所知成障人知知之者得之而不  
知得之者失之蓋聞有未得謂得未聞有實得  
謂得者惟未得故謂得惟謂得故未得也是故  
須陀含不謂我得須陀含果斯陀含不謂我得  
斯陀含果阿那含不謂我得阿那含果阿羅漢



不謂我得阿羅漢道如來不謂我得阿耨多羅  
三藐三菩提無我故無得也若見第一波羅蜜  
是第一波羅蜜則第一波羅蜜爲我相矣若見  
忍辱波羅蜜是忍辱波羅蜜則忍辱波羅蜜爲  
我相矣若我相是我相我見是我見則如來安  
得無其所本有而強伏成漂流彼岸絕茫茫矣  
故曰如來說有我者則非有我而凡夫之人以  
爲有我以爲有我者亦是名我相之謂也此可

例凡言即非與是名者非對是非而分遮表之  
謂也諸法如義有說即非凡我相與波羅蜜之  
說但是名耳名依我有我以名熾相見名說互  
相爲緣緣起性空惟一真我故隨語生解禪宗  
所斥以真我無少法可得也心相不可得是謂  
以衆生爲心而心心悉知眼相不可得是謂以  
衆生爲眼而眼眼皆有護念付囑以此稱善蓋  
心自護心心自付心而已識大悲之本體者自

他總攝乎一心孰是自而孰是他識同體之大  
悲者福慧雙修于一念孰非慧而孰非福諸相  
之非相不可以意言執也非相之實相不可以  
意言窮也故曰菩薩于法應無所住行于布施  
此般若之理不礙事也虛空之色相也又曰菩  
薩應如是布施不住于相此般若之事不礙理  
也色相之虛空也般若即以本空爲法身故隨  
願起報化而化無不入報終不壞也般若即以

本空爲解脫故能入一切煩惱所知而一切煩惱所知不能爲之纏縛也般若卽以本空爲涅槃故能入一切生死而一切生死不能怖也般若卽以本空爲六凡故能入一切天人修羅鬼畜獄道而一切苦樂諸境不能爲之損壞也般若卽以本空爲四聖故能入一切佛界菩薩界而一切聖界不能爲之增益也般若卽以本空爲三千大千界以本空爲百千萬億阿僧祇劫

故能徧入一切時一切處而一切時處不能爲之移易也般若卽以一切本空爲般若故能入于四大五蘊六入十二處十八界總發阿耨多羅三藐三菩提心而種種形貌種種情識不能爲之間斷遮翳也惟天下之至虛至靈寔天下之至堅至利也故強而名之曰金剛般若最後不言般若而言作觀何也般若本無應作而照用切忌昏散故體則無分別之分別爲妙智用

則分別之無分別為正觀觀即般若也亦非有  
般若但無昏散耳有能觀我之如夢幻泡影如  
露亦如電者即我即空即我即假即我即中是  
觀法也洪生再拜曰如是則請為釋迦書之矣  
乃觀心蒲團靜遊太古挾彼作者竝歸混沌忽  
若兆幾于結繩漸似呈形于鳥跡至點畫形象  
迫意而來輒落筆成書不作描摹湊合之態日  
得一分或半分或數字而還蒲團乘其所會而

已越九旬而書成余展視大驚喜曰經為汝來  
乎急問梓人于雲中守守曰有白下三人者在  
此久矣試可皆以不思議得之大明萬曆三十  
九年辛亥八月望日賜進士第嘉議大夫奉勅  
巡撫大同地方贊理軍務都察院右副都御史  
黃梅汪可受書于雲中公署第四冊後跋云度  
性嗜書見夫子而嗜禪當其有書之嗜則不知  
禪當其有禪之嗜則不知書一日觀于水浮篆

經而若有會焉不知其是書也禪也夫子命以  
重書付梓而度口斯應之手斯從之乃知曩之  
嗜書者其有習氣所使以為禪用耶書成自取  
曩書之最得意者竝置案頭乃知曩者見笑于  
倉公多矣則今之嗜禪亦未始不為書用夫子  
謂是可以報龍宮矣于度南還付一經函與祝  
詞而命投之江度唯唯而已亦安所置吾思議  
哉特記祝詞于此以識希有云詞曰惟此法輪



轉自波中問誰致者神曰龍宮護念付囑相彼  
大雄千載不溺英公肯公受也不敏夙慕宗風  
有弟子度手筆斯工重書付梓庶廣流通善緣  
聿就敢昧所從敬具一緘以報前功金剛不壞  
去與來同虛空有盡我願無窮在處護持普告  
天龍奉佛弟子洪度敬書第一冊四十八頁二  
冊四十五頁三冊四十八頁四冊四十五頁高  
一尺廣九寸冊首有黃簽記五代時僧夢英集

金剛經十八體宋僧道肯增成三十二體相傳  
久遠僧家亦鮮藏其本萬厯年間巡撫汪可受  
于大水中得浮篋開視之乃三十二體金剛經  
一時驚為神異後屬洪度摹寫以刊是經此其  
寫本也可受黃梅人萬厯庚辰進士歷官巡撫  
至兵部侍郎

按此經句記為洪度臨道肯書今考冊中有崇  
禎己巳三山林大有重臨字跡則是林大有臨

洪度本也楷書序文釋文雖未工而篆法高渾  
筆力迴出尋常自是上等

秘殿珠林卷二

欽定四庫全書

秘殿珠林卷三目錄

貯

乾清宮三

名人書

釋氏經冊次等

宋蘇軾書金剛經一冊

宋張即之書維摩經三冊

元趙孟頫書佛境界經一冊

元趙孟頫書圓覺經二冊

元趙孟頫書無量壽經四冊

元趙孟頫書無量壽經四冊

元趙孟頫書無量壽經一冊

元趙孟頫書無量壽經一冊

元趙孟頫書金剛經一冊

元趙孟頫書金剛經一冊

元趙孟頫書金剛經二冊

元趙孟頫書金剛彌陀觀音三經一冊

元趙孟頫書觀音經一冊

元趙孟頫書觀音經四冊

元趙孟頫書楞嚴神咒一冊

元趙孟頫書心經一冊

元趙孟頫書心經一冊

元俞和書法華經七冊

明宋濂書無量壽經一冊

明沈度書華嚴經八十一冊

明朱孔易書心經一冊

明姜立綱書心經一冊

明董其昌書金剛經一冊

明董其昌書金剛經一冊

明董其昌書金剛經一冊

明董其昌書金剛經二冊



明董其昌書金剛經一冊

明董其昌書心經一冊

明董其昌書心經一冊

明董其昌書心經一冊

明董其昌書心經一冊

明董其昌書阿彌陀經一冊

明董其昌書圓覺經一冊

明僧覺便書法華經七冊

明僧明訓書法華經七冊

明諸德泮書金剛經一冊

欽定四庫全書

秘殿珠林卷三

貯

乾清宮三

名人書

釋氏經冊

宋蘇軾書金剛經一冊

次等天一

素箋本行書款識云元豐三年四月廿五日朝

奉郎責授檢校水部員外郎黃州團練副使蘇  
軾奉為亡考都官遠忌親寫此經施僧看轉以  
資冥福後有富直柔跋一計六十九幅

宋張卽之書維摩經三冊

次等  
地一

素箋本行楷書末冊款識云嘉熙三年歷陽張  
卽之焚香敬書首冊經前有素絹本畫維摩像  
款云龍眠居士李公麟敬畫後有杜本跋一上  
冊計五十六幅中冊計五十五幅下冊計四十

二幅

元趙孟頫書佛境經一冊

次等元一

磁青箋本泥金行書款識云文殊師利菩薩有大威神力深憫五濁惡世一切有情迷失真性特發弘願會諸佛聖菩薩大衆演說此不思議佛境界經慈旨懇切開化愚氓欲與三千大千世界衆生同修精進證諸佛果則文殊師利菩薩功德不可思議者也余在朝見天竺僧云彼

國藏中有言菩薩憂深末劫存心救拔諸苦既  
備福報將殷後五百世當為東土主持世教于  
斯時也天人胥慶風雨調順萬國賓服兵甲不  
興法教尊嚴衆生樂化此文殊師利菩薩道願  
之所發施現帝室身而為說法者焉余因梵僧  
之言故特綴數語于後非敢妄為稱述也大德  
三年四月八日吳興弟子趙孟頫沐手敬書每  
卷前後俱有貝葉文經前有佛像後有韋馱像

俱泥金畫通計五十六頁

元趙孟頫書圓覺經二冊

次等元二

素箋本行書款云三寶弟子趙孟頫謹手書又跋云大方廣圓覺修多羅了義經一部奉本師中峯大和上尊者披閱所願聞此經者見此經者誦此經者持此經者悉圓三觀頓除二障不墮邪見得清淨覺出生殊勝功德奉為妻魏國夫人管氏道昇懺除業障早證菩提與法界有

情同成圓覺延祐泰年正月廿七日三寶弟子  
翰林學士承旨榮祿大夫知制誥兼修國史趙  
孟頫誌經前有白描佛像上冊計八十三幅下  
冊計八十九幅

元趙孟頫書無量壽經四冊

次等  
元三

磁青箋本泥金書第一冊款識云時大德三年  
春二月望日過石室僧舍得見琅函法藏中有  
無量壽佛經因薰沐敬書分為四帙吳興弟子



趙孟頫第二冊款識云大德三年夏四月佛誕  
日竟三教弟子趙孟頫焚香敬書第三冊款云  
吳興弟子趙孟頫第四冊款云吳興弟子趙孟  
頫薰沐敬書每冊前俱有黃箋金畫佛尊者像  
第一冊計十四頁第二冊計十九頁第三冊第  
四冊俱二十頁

元趙孟頫書無量壽經四冊

次等  
元四

磁青箋本泥金書末冊款識云皇慶三年夏五

月上澣薰沐敬書吳興弟子趙孟頫首冊前有  
佛像末冊後有韋馱像俱着色畫每冊經文中  
圖像互見第一冊計十九頁第二冊計二十頁  
第三冊計十八頁第四冊計十六頁

元趙孟頫書無量壽經一冊

次等  
元五

磁青箋本泥金書款識云大德元年丁酉春三  
月吳興趙孟頫沐手敬書冊首有佛像後有韋  
馱像俱泥金畫通計十一頁

元趙孟頫書無量壽經一冊

次等  
元六

磁青箋本泥金楷書款識云大德九年佛誕日  
薰沐拜手謹書于長生寺中吳興趙孟頫冊前  
畫佛像款云天水管道昇薰沐謹書後有韋馱  
像亦仲姬筆通計三十一頁

元趙孟頫書金剛經一冊

次等  
元七

粉箋本行楷書款識云大德九年八月朔日吳  
興弟子趙孟頫謹書計五十七幅末有陸淵陳

繼儒葉向高祝允明文徵明諸跋

元趙孟頫書金剛經一冊

次等元八

粉箋本行楷書款識云至元辛卯秋九月上浣

吳興弟子趙孟頫和南敬書計五十七幅

元趙孟頫書金剛經二冊

次等元九

墨箋本泥金書下冊款識云大德十二年二月

一日弟子趙孟頫敬書上冊計二十幅下冊計

四十幅

元趙孟頫書金剛彌陀觀音三經一冊

次等元十

磁青箋本泥金書無款末有泥金趙氏子昂松雪齋二印金剛經首畫佛像觀音經首畫佛像後畫韋馱像俱泥金畫通計七十二頁

元趙孟頫書觀音經一冊

次等元十一

墨箋本泥金書款云吳興弟子趙孟頫敬書經前有觀音像後有韋馱像俱泥金畫通計二十五頁

元趙孟頫書觀音經四冊

次等元  
十二

磁青箋本泥金書末冊款識云至大二年三月

上浣日吳興趙孟頫薰沐敬書冊中圖像互見

第一冊第二冊第三冊俱計十七頁第四冊計

十五頁

元趙孟頫書楞嚴神咒一冊

次等元  
十三

磁青箋本泥金書款云趙孟頫敬寫經前有佛

像後有韋馱像俱泥金畫通計二十五頁

元趙孟頫書心經一冊

次等元十四

素箋本行書款識云松雪道人奉為雲通和上書計六幅後有王時敏跋一

元趙孟頫書心經一冊

次等元十五

墨箋本泥金書款云吳興善男子趙孟頫書計八幅卷首磁青箋本泥金畫佛像計十四幅

元俞和書法華經七冊

次等黃一

磁青箋本泥金書每冊款識云恭遇天壽聖節

書寫妙法蓮華經一部答報洪恩祝培睿算者  
臣俞和薰沐敬書每冊俱前有佛像後有韋馱  
像泥金畫第一冊計五十六頁第二冊計五十  
五頁第三冊計五十四頁第四冊計六十三頁  
第五冊計六十頁第六冊計五十四頁第七冊  
計五十頁

明宋濂書無量壽經一冊

次等  
字一

磁青箋本泥金書款識云永樂甲辰八月吉旦



奉佛弟子宋濂拜書經前有佛像泥金畫通計

十一頁

明沈度書華嚴經八十一冊

次等  
雷一

墨箋本泥金書末冊款識云奉佛弟子沈度謹  
發誠心喜捨資財書寫此經上報四恩下資三  
有法界有情同霑利益大明宣德戊申十月十  
三日共十六套十五套俱五冊末套六冊兩面  
書首冊末冊俱前有佛像後有韋馱像泥金畫

每冊後有朱書數行第一冊計十四頁第二冊  
計十七頁第三冊計十七頁第四冊計十七頁  
第五冊計十五頁第六冊計十九頁第七冊計  
十九頁第八冊計十六頁第九冊計十五頁第  
十冊計十三頁第十一冊計十二頁第十二冊  
計十五頁第十三冊計十九頁第十四冊計十  
九頁第十五冊計十七頁第十六冊計二十三  
頁第十七冊計二十二頁第十八冊計十三頁

第十九冊計十九頁第二十冊計十八頁第二  
十一冊計十三頁第二十二冊計十九頁第二  
十三冊計十八頁第二十四冊計十七頁第二  
十五冊計十七頁第二十六冊計十七頁第二  
十七冊計十九頁第二十八冊計二十一頁第  
二十九冊計十三頁第三十冊計十四頁第三  
十一冊計十八頁第三十二冊計十二頁第三  
十三冊計十四頁第三十四冊計十八頁第三

十五冊計十四頁第三十六冊計十三頁第三  
十七冊計十六頁第三十八冊計二十頁第三  
十九冊計二十頁第四十冊計十四頁第四十  
一冊計十一頁第四十二冊計十五頁第四十  
三冊計十九頁第四十四冊計二十一頁第四  
十五冊計十四頁第四十六冊計十五頁第四  
十七冊計十六頁第四十八冊計十九頁第四  
十九冊計十一頁第五十冊計十九頁第五十

一冊計十七頁第五十二冊計十七頁第五十  
三冊計十六頁第五十四冊計十六頁第五十  
五冊計十六頁第五十六冊計十八頁第五十  
七冊計十七頁第五十八冊計十九頁第五十  
九冊計二十一頁第六十冊計二十二頁第六  
十一冊計十六頁第六十二冊計十七頁第六  
十三冊計十七頁第六十四冊計十七頁第六  
十五冊計十七頁第六十六冊計二十頁第六

十七冊計十六頁第六十八冊計二十一頁第  
六十九冊計十七頁第七十冊計十八頁第七  
十一冊計二十一頁第七十二冊計十六頁第  
七十三冊計十七頁第七十四冊計十二頁第  
七十五冊計二十二頁第七十六冊計十九頁  
第七十七冊計二十五頁第七十八冊計二十  
頁第七十九冊計十四頁第八十冊計十九頁  
第八十一冊計十四頁

明朱孔易書心經一冊

洪次等一

素箋本大楷書款識云正統辛酉冬東吳朱孔  
易齋沐焚香為奉佛弟子內侍官大監王瑾書  
于弘教禪寺永充供養者計七十頁

按朱孔易永樂時人歷官順天府丞

明姜立綱書心經一冊

洪次等一

素箋本大楷書款識云萬厯辛巳季夏既望永  
嘉姜立綱沐手敬書計六十七頁

按書畫譜云姜立綱天順中授中書舍人天順距萬厯越百餘年且此冊字畫筆法與朱孔易冊如出一手疑後人附會之作

明董其昌書金剛經一冊

次等  
日一

磁青箋本泥金書款識云歲在戊午孟夏浴佛

日佛弟子史官華亭董其昌沐手書計八十二

幅

明董其昌書金剛經一冊

次等  
日二



素箋本行楷書款識云寫經必論書法書法可  
傳則誦讀受持者衆是為在處有佛塔廟也余  
此卷始發願于壬戌浴佛日每當清暇及朔望  
之辰時書數行出入鍾太傅王右軍大令顏平  
原楊少師米海岳諸家蓋余行筆無定蹤故爾  
如此若趙文敏則千行一轍余故不能也然蕭  
散錯落之致較之文敏又不無少優耳甲戌十  
月三日識董其昌又跋云余書此金剛經計十

三載始竣近見遜之璽卿以孝誠發願數日書就又字字端楷雖細謹中有尋丈之勢何異皮紙骨筆可為震旦法寶吾益愧矣吾益愧矣元宰重題計四十五幅

明董其昌書金剛經一冊

次等日三

素箋本行楷書款識云甲子元旦書竟其昌又跋云寫經必論書法書法可傳則誦讀受持者衆是謂在處有佛塔廟也余書此金剛經一卷

凡歷三寒暑乃成蓋倣前代名家法所以字形大小行楷不一議者或譏其不莊然亦不足怪也董其昌識于寶鼎齋計三十二幅

明董其昌書金剛經二冊

次等日四

磁青箋本泥金書下冊款識云歲在戊午孟夏浴佛日佛弟子史官董其昌沐手書上冊計四十八幅下冊計四十三幅

明董其昌書金剛經一冊

次等日五

磁青箋本泥金小楷書款識云辛酉四月佛誕  
日臨文衡山筆華亭董其昌沐手敬書計十八  
頁

明董其昌書心經一冊

次等  
日六

磁青箋本泥金書款識云六波羅蜜以智波羅  
蜜為先導觀照般若從文字般若入此經又大  
般若經之心也以陝本聖教序後集晉右軍將  
軍王羲之書縮成此小行體凡有見聞者皆發

菩提心是本願耳歲在戊申夏孟浴佛日佛弟子史官董其昌沐手書計八幅

明董其昌書心經一冊

次等日七

磁青箋本泥金書款識冊數與日字六號一冊同

明董其昌書心經一冊

次等日八

朝鮮箋本行楷書款識云得高麗箋作烏絲界道書智波羅蜜經外國雖尚殺伐無不念佛法

僧者修羅一入華嚴卽成菩薩不必赤縣神州  
有大乘氣象也丙寅二月十九日書于武林僧  
舍其昌經前有金箋本沈士充畫大士像款云  
戊辰三月朔日佛弟子沈士充敬寫計五頁

明董其昌書心經一冊

次等  
日九

素箋本款云董其昌書前幅有大士像白描畫  
無款計八幅

明董其昌書阿彌陀經一冊

次等  
日十

朝鮮箋本行楷書款識云雲栖蓮池大師甲寅  
正月八十初度余以師純提淨土掃彼狂慧行  
在梵網志在觀經僧臘最高居然古佛乃書此  
經刻石流布以廣弘願亦祈大年自愧筆法弱  
劣不能如趙文敏之為中峰書淨土一百八詩  
足傳耳萬歷四十三年歲在乙卯五月廿日華  
亭董其昌識後有秦松齡跋一計十一頁

明董其昌書圓覺經一冊

次等  
日十一

素箋本行楷書款識云己丑孟春華亭弟子董其昌薰沐稽首敬書于摩訶菴計九十五頁

明僧覺便書法華經七冊

次等月一

磁青箋本泥金書末冊款識云大明萬曆四十八年歲次庚申比丘覺便沐手補書首冊前有佛像末冊後有韋馱像俱泥金畫又每冊經前後俱有貝葉文第一冊計八十四頁第二冊計七十八頁第三冊計七十五頁第四冊計八十



八頁第五冊計八十五頁第六冊計七十九頁  
第七冊計六十五頁

明僧明訓書法華經七冊

次等  
盈一

磁青箋本泥金書末冊款識云侍佛比丘明訓  
幸生盛世忝處空門思佛法以難逢念光陰之  
易度由是謹發誠心捐捨已賄敬禮師祖明曙  
庵焚香研金代墨書寫大乘妙法蓮華經一部  
裝潢成軸永充供養以此功勛上報四恩下資

三有法界有情同圓種智首冊前有佛像末冊  
後有韋馱像俱泥金畫共七冊第一冊計八十  
三頁第二冊計七十七頁第三冊計七十五頁  
第四冊計八十七頁第五冊計八十五頁第六  
冊計七十九頁第七冊計六十五頁

明諸德泮書金剛經一冊

次等  
是

磁青箋本泥金書附書心經欸識云壬戌春日  
西湖弟子諸德泮敬書于燕臺客舍計四十六

頁

秘殿珠林卷三

欽定四庫全書

秘殿珠林卷四目錄

貯

乾清宮四

無名氏書

釋氏經冊上等

宋人書大悲心陀羅尼經一冊

宋人書無量壽經四冊

宋人書阿彌陀經一冊

明人書金剛經一冊

明人書內府金藏經一冊

明人書內府金藏經一冊

明人書內府金藏經一冊

明人書內府金藏經一冊

明人書法華經七冊

明人書法華經七冊

明人書心經金剛經合冊

明人書華嚴經八十一冊





欽定四庫全書

秘殿珠林卷四

貯

乾清宮四

無名氏書

釋氏經冊

宋人書大悲心陀羅尼經一冊

上等天一

宋箋本楷書經前後俱有毛晉私印予晉汲古

主人毛扆之印斧季諸印每咒句下俱有白描  
佛像後有僧明本題云白描畫善字畫尤奇唐  
言不是梵語亦非幻住隨喜手加額喚作觀音  
古大悲西天目山沙門明本再拜謹題于卷之  
尾云又僧自如題云觀音大智士具大悲心者  
善說陀羅尼大悲救一切我今發弘誓持此大  
悲心無礙陀羅尼光明從頂出遍照我此土及  
以十方界下際風輪際上至有頂天彌樓與鐵

圓大海江河水是中諸衆生蒙光皆獲益離苦  
得解脫悉發菩提心盡此一報身同生極樂國  
願此大悲心光明照十方所有虛空界微塵衆  
佛刹彼土諸如來皆生大歡喜方便願智力慈  
哀加被我各于無見頂普放大悲光從彼微塵  
方咸來灌我頂滅我一切罪成我一切願令我  
早具足無礙大悲心如諸佛世尊廣度于一切  
本師釋迦尊說此大悲經我于此經中決定信

無疑願我于未來當成一切智以此大悲心廣  
大作佛事供養恒沙佛度脫諸衆生如觀音菩  
薩能救世間苦右此偈比丘自如日常誦咒私  
發願文淨明道者大啓悲誓持此章句課誦忘  
歲月至大庚戌春得此經卷適符本願此大士  
付囑流通之意也一日捧經請書前偈因謂之  
曰大士無身示身千手千眼無語示語章句音  
聲若能于形相語言之外信受奉行非惟觀世

音我亦從中證下有建安自如印又僧德海題  
云咒音充徹一切處如大風輪持大地若佛菩  
薩諸天仙于喉舌中吐光熾滅除歷劫業障因  
豁達衆生清淨智圓滿無礙解脫門淨明道者  
未興一念底便是淨明道者得此咒本為題之  
云淨慈東嶼德海又僧希陵題云稽首觀音大  
悲心現千眼手不思議宣說秘密陀羅尼救護  
衆生震天地天人悲仰鬼神欽外道羣魔生怖

畏譬如日輪行虛空放大光明遍赫熾能推一切障礙山能開一切金剛智能除衆生熱惱心全食甘露清涼味淨明道者日受持顯出無量大悲誓若還決定信無疑成就諸佛清淨慧徑山住持比丘希陵說偈讚云又僧普容題云正法明觀自在所說神咒號大悲拔濟衆生離苦海延佑己未秋淨因寺元明上人請讚故書甬東乾符比丘普容又僧蒙潤題云無聲無字一

篇咒誰謂大悲無碍心  
展示諸方明眼者莫將  
黃葉作黃金  
延祐庚申孟夏蓮華院沙門蒙潤  
書于江城懺室又僧圓照題云一念大悲心十  
界咸圓滿本無一切相當泯一切辯幻應叵測  
量強施千手眼徧遮一切惡總持一切善水濁  
月似亡水清月似現但了介爾性觸境卽靈驗  
明師具此眼墨塵發光燄深諦大悲體克獲離  
諸見青天白日中有流多洄漩稽首大悲主恒

興大方便天竺九品觀堂圓照再拜書又題云  
稽首具足大悲心利生身現千手眼一身復現  
刹塵身妙智神通廣敷闡與拔偏至我無為由  
始僧那薰萬善中天日朗蔀或豐大地春回物  
何限爾欲直入持明門蜜語奇形莫分辨當頭  
一句解自持正法明王暗中顯欸缺又錢謙益  
書大悲心陀羅尼經秘本後云右經為宋人寫  
本題云大唐三藏不空譯較今藏函伽梵達摩



譯本惟經前偈稽首觀音大悲王乃至所願從  
心悉圓滿十六句與達摩本十四句互異從南  
無大悲觀世音乃至說神妙章句拖羅尼後無  
量衆生發菩提心則宛是一本也咒中每一句  
下有白描小畫像夾注諸佛菩薩諸天鬼神名  
于其下此則達摩本所無亦今世人間所未曉  
者余敢以臆通之昔者金剛薩埵親于毗盧遮  
那佛前受瑜伽密部最上乘義後五百歲傳龍

猛菩薩龍猛又數百歲傳于龍智龍智傳金剛  
智金剛智傳大廣智不空自毗盧遮那如來至  
于不空才六葉耳不空年十五師事金剛智受  
金剛界大蔓荼羅法又詣龍智揚擢十八會金  
剛灌頂及大悲胎藏建壇之法傳經論至五百  
餘部當元肅之朝建灌頂道場則文殊現身誦  
仁王蜜語則天兵助陣非其五部教門別有蜜  
印觀法行果得總持中密中之密何以有此唐

世梵僧寫進陀羅尼梵本必于細妙氎上圖畫形質及結壇手印上每令宮女繡成或匠人畫出其尤秘密者藏諸冊府不許流布唐宋喪亂經畫銷毀亦有流入日本者此本必是不空所翻五百餘部之一其畫像則梵僧細氎圖形之遺製喪亂之後或自冊府流落人間也或疑此本畫像有馬鳴龍樹二菩薩本身佛與觀音大士說經咒時何以有此余應之曰神咒不翻古

今共曉然豈可執是以論瑜伽密教哉楞伽中  
佛告大慧善逝涅槃後未來世當有持于我法  
者南天竺國中大名德比丘厥號為龍樹子又  
將疑曰龍樹生于像法之末何以佛子楞伽會  
上懸為記荊耶瑜伽密教一祖為毘盧遮那如  
來三祖卽龍猛菩薩聖位元功難思難議豈止  
分身百億現影三千而可以時分數量比擬測  
度也哉毛子子晉得此本于蒼雪法師余見而

嘆曰靈文秘典僅存于後五百歲東夏之人有  
如一行慧浪者傳教令輪用以顯神功而求軌  
迹其必有取于此乎子晉其善護持之余敬書  
其後以竢屠維大淵獻之歲余月十九日佛弟  
子蒙叟錢謙益槃談謹書通計四十九頁頁高  
八寸八分廣六寸八分

宋人書無量壽經四冊

上等  
地一

金粟箋本楷書每冊前有國學進士龍舒王日

休校正十一字第一冊計三十二頁第二冊計二十八頁第三冊計三十二頁第四冊計三十頁頁高九寸有奇廣七寸

宋人書阿彌陀經一冊

上等元一

宋箋本楷書前有絹本著色畫極樂圖前後經名下俱有貝葉文計十六頁頁高一尺有奇廣九寸

明人書金剛經一冊

上等黃一

漆箋本泥金楷書計四十八頁頁高一尺一寸

四分廣八寸

明人書內府金藏經一冊

上等字一

墨箋本泥金蠅頭小楷兩面書經前有佛像後有韋馱像俱泥金畫冊面及經後俱有貝葉文  
第一分書諸佛世尊如來菩薩尊者神僧名經  
前有永樂御製序云諸佛世尊如來菩薩尊者  
神僧弘發誓願濟度羣生凡發善心稱贊諸佛

世尊如來菩薩尊者神僧名號者卽得種種善報輕薄侮慢不敬不信者卽得種種惡報善惡之機若影之隨形響之應聲不爽鎔銖所謂為善者忠于君上孝于父母敬天地奉祖宗尊三寶敬神明遵王法謹言行愛惜物命廣行陰陽如是則生享富貴歿升天堂受諸快樂所謂為惡者不忠于君不孝于親不敬天地不奉祖宗不尊三寶不敬神明不遵王法不謹言行殘害



物命不積陰隲如是則生遭重譴死墮地獄受  
諸苦報嘗觀諸佛世尊如來菩薩尊者神僧千  
經萬典開導誘掖作無量方便勸人為善幽明  
果報明有徵應間取佛經所載諸佛世尊如來  
菩薩尊者神僧名號編成歌曲歡喜贊諷功德  
弘深因以鋟梓流通廣傳俾善男子善女人潔  
淨一心至誠頂禮依腔奉誦共成勝因其有至  
誠事佛不解依腔贊諷者只依此編頂禮念誦

俱感人天證果佛祖鑒臨生則衣食豐足壽年  
延永罪業消釋死則不墮九幽脫離諸苦延及  
先世皆得超度凡有所求吉祥如意此無他蓋  
由人心一念之善昭著感格故其效驗之大有  
如此者凡人平居終日不事檢束放佚侈肆惡  
言穢語淫詞邪曲觸污天地褻慢神明皆足以  
招致罪戾苟能改悔洗心滌慮將此贊揚念念  
不忘卽得消災滅罪增長福德有不可量於戲

善惡之報皆由己作故曰為善福隨為惡禍追  
又曰修一念善遠階覺道起一念惡長淪苦海  
又曰欲知前世因今生受者是欲知後世因今  
生作者是此皆勸人為善去惡誠金玉之格言  
也雖然世之能勸人為善者往往皆獲福應況  
人之躬行于善終始不懈則獲福豈可量哉昔  
竇禹鈞修德行善累積陰騭其後名掛天曹克  
臻壽考子孫榮顯流慶無窮陳寔居鄉平心率

物化盜為善由是一邑蒙化無復盜竊其後壽  
祉繁夥子孫榮貴並著高名福澤綿永延及後  
世若此者昭著簡冊不可殫舉今略述此以冠  
于編首普勸善緣使人人同歸于善以造夫佛  
地以登夫仁壽之域以樂夫太平之治其懋之  
哉其敬之哉永樂十五年四月十七日後序云  
稱念諸佛世尊菩薩尊者神僧名號其功德甚  
深廣大得福最多以如是勝妙導人為善同修

福果夫所謂為善者卽前之所云忠于君上孝  
于父母敬天地奉祖宗尊三寶敬神明遵王法  
謹言行不殺生害命廣行陰騭是也世之善男  
子善女人有捨財以濟衆有竭力行方便如是  
修善以積功德者有之惟稱念諸佛世尊如來  
菩薩尊者神僧名號不費己財不用己力而功  
德無量佛云所說諸佛名顯現諸佛行有大威  
德相以佛眼普見若有智慧人當欲求菩提應

誦此佛名不久得作佛又云我昔無數劫時于  
妙光佛末法之中出家學道聞五十三佛名聞  
已合掌心生歡喜復教他人令得聞持他人聞  
已展轉相教乃至三千人此三千人異口同音  
稱諸佛名一心敬禮以是因緣功德力故卽得  
超越無數億劫生死之罪其千人者華光佛為  
首下至毘舍于莊嚴劫得成佛道過去千佛是  
也此中千佛者拘樓孫佛為首下至樓至如來

于賢劫中次第成佛後千佛者日光如來為首  
下至須彌相于星宿劫中當得成佛現在十方  
諸佛善德如來等亦得聞是五十三佛名故于  
十方世界各得成佛昔有人潛心淨業日誦佛  
號萬聲未嘗間絕一日無疾沐浴面西跏趺而  
化異香馥郁竟成佛果昔有女人專心念佛一  
日索火燒香口云佛以花臺與我我當得佛果  
已而天花飛墜遂爾坐化若此者不可枚舉姑

畧言其一二耳經云有人求佛道而于一劫中  
合掌在我前以無數偈讚由是讚佛故得無量  
福德今復述此于篇末使凡起心念佛者咸發  
歡喜心咸得辨才學咸領悟佛旨咸得善神護  
一切冤障業悉得永脫離稽首感佛恩卽得如  
來道尚勉之哉尚勉之哉永樂十五年四月十  
七日第二分書金剛經前有永樂御製序云昔  
如來于舍衛城敷座說法與須菩提等演是金



剛般若波羅蜜經以喻法為名以實相為體以  
無住為宗以斷疑為用以大乘為教相其義甚  
深而明其說甚簡而切昔有領悟一言之旨者  
卽成正果夫修六度萬行以造夫真如之地非  
由此經莫能以窺其徑庭蓋萬法本于一心以  
心求道道卽是心心也者妙萬物而超萬物者  
也如來于此首指以示人非惟明顯其體而復  
彰喻其法是故無取于法而安住其心舍無上

正等正覺其何以哉所以是經功德最大然不言其所以大其福果最勝然不言其所以勝有能因如是而得如來道者則知是人積累善根而成智慧所修福德卽成勝果朕惟覺路非遙履之卽至人惟盡心以忠于君竭力以孝于親不虧六行不犯五刑不纏塵根心無妄想無所住著卽見本行不離宗旨又能持誦此經勤行修習當卽證大乘若彼頑嚚之徒積惡累愆以

隨惡趣苟能回心向善即得罪業消滅亦即得  
超登彼岸蓋蠕動飛潛皆含佛性人心最靈衆  
善斯具但塵根所汨喪其良心然善者終于不  
泯有時發見因其發見之萌而致力焉然善日  
長而惡日減如淘沙取金沙去而金出芟莠植  
苗莠除而苗盛夫為善譬猶登山益往益高為  
惡譬猶走坂愈趣愈下善人良士知善之可為  
而益為知惡不可為而不為則善愈積而惡愈

消福愈勝而禍愈遠煩惱不染于其心障業不  
繞于其體于如來正覺夫何遠之有永樂九年  
五月初一日第三分書普門品經前有永樂御  
製序云觀世音菩薩以爍迦羅心應變無窮自  
在神通徧遊法界入微塵國土說法濟度具足  
妙相弘誓如海凡有因緣發清淨心纔舉聲稱  
即隨聲而應所有願欲即獲如意妙法蓮華經  
普門品者為度脫苦惱之真詮也人能常以是

經作觀一念方萌即見大悲勝相能滅一切諸  
苦其功德不可思議朕惟天道福善禍淫故佛  
示果報使人為善而不敢為惡夫天堂地獄皆  
由人為不違于方寸之內故為善者得升天堂  
為惡者即墮地獄夫忠臣孝子吉人貞士其心  
即佛故神明庇佑業障俱泯是以生不犯于憲  
條沒不墮于無間夫克頑之徒一于為惡棄五  
倫如敝帚蹈刑法如飲甘寧餒羅刹不飲佛道

然人性本善所為惡者特氣質之偏苟能改心  
易慮修省畏避轉移之間惡可為善矣為善則  
即善人昔之所積之咎太空點塵紅爐片雪消  
滌淨盡雖有果報將安施乎朕恒念此惟恐世  
之人有過而不知改乃甘心焉以自棄遂表章  
是經使善良君子永堅禁戒之心廣納無量之  
福為善功德豈有涯涘哉永樂九年五月初一  
日第四分書心經第五分書無量壽佛真言第

六分書佛頂尊勝總持經咒前有永樂御製序  
云朕惟如來演大乘教開方便門千經萬法無  
非為濟度羣生使不淪業報佛頂尊勝總持經  
咒者一切如來智印廣大慈悲甚深希有普利  
昏迷實巨海之津梁幽暗之日月飢渴之飲食  
也世間善男子善女人一切衆生能發菩提心  
持誦佩服者其福德種種無盡永脫諸惡苦趣  
從無始以來百千億劫所積罪業悉皆消除若

晝夜勤修不懈當得諸佛灌頂神天擁護福壽  
無量如是勝果目睹其效誠實不虛然至道難  
遇斯民易迷所作所為墮于惡趣而不知若此  
淪溺誠為可矜遂以是經咒廣作方便俾河沙  
刹土一切有情均沾利益壽延福增同臻佛道  
又況佛有誓盟愍濟衆生必先度忠孝凡忠臣  
孝子身生中國又逢治世受種種快樂皆由其  
事君事親能盡其道又能敬禮三寶修積善因



舉足之頃即登覺路若夫為惡之徒昧于改悟所作所為日甚一日造業深重甘心墮落身如沫漆求潔實難墮墜幽局何由出世苟能回心向善堅誦密義即此一路頓消災障超脫塵勞也永樂十年五月初六日第七分書大悲總持經咒前有永樂御製序云朕聞觀自在菩薩誓願入微塵國土拯拔一切有情離諸苦趣故說是無量功德總持經咒世間善男子善女人一

切衆生秉心至誠持誦佩服此經咒者種種惡  
趣種種苦害咸相遠離非但遠離咸得圓融超  
登妙道若此海波沾濡下風吹觸業釋障消獲  
是勝果非但耳之所聞實目之所覩明效大驗  
者也若智慧福德之士根器深厚堅持佩誦勤  
行不輟又能廣為演說是經咒功德不可思議  
若薄福不信者心生信解亦得同超佛境真實  
不虛觀世音誓願弘深發大悲心以濟度羣生

閔衆情之昏瞽墮五濁而不知以是經咒用作  
方便覺悟提撕俾一切庶類皆超佛域又況如  
來化導首重忠孝凡忠臣孝子能盡心以事君  
竭力以事親所作所為無私智陂行廣積陰功  
濟人利物又能持誦是經咒則跬步之間即登  
覺路若彼不忠不孝不知敬畏則鬼神所錄陰  
加譴罰轉盼之間即成地獄蓋善惡兩途由人  
所趨凡諸衆庶宜慎取舍用書此以為勸永樂

十年五月初六日第八分書大隨求陀羅尼經  
第九分書仁王護國般若經陀羅尼第十分書  
三大士真言第十一分書文殊師利菩薩神咒  
第十二分書文殊師利五字咒第十三分書救  
度佛母神咒第十四分書沙幹佛母神咒第十  
五分書摩利支天菩薩陀羅尼第十六分書滅  
惡趣神咒第十七分書大威德熾盛光如來消  
災吉祥陀羅尼第十八分書如意輪咒第十九

分書金剛心咒第二十分書般若心咒第二十  
一分書金剛手菩薩神咒第二十二分書壞相  
金剛根本咒第二十三分書百字神咒第二十  
四分書金剛壽命真言第二十五分書紅色怖  
畏真言第二十六分書黑色怖畏真言第二十  
七分書馬曷葛立真言第二十八分書慧忿怒  
咒第二十九分書獄帝忿怒咒第三十分書蓮  
花忿怒咒第三十一分書甘露忿怒咒第三十

二分書大力忿怒咒第三十三分書不動忿怒  
咒第三十四分書欲王忿怒咒第三十五分書  
青杖忿怒咒第三十六分書頂尊忿怒咒第三  
十七分書妙真忿怒咒第三十八分書馬曷葛  
刺根本咒第三十九分書馬曷葛刺神咒共計  
一百六十頁頁高二寸九分廣五寸七分

明人書內府金藏經一冊

上等  
宙一

墨箋本泥金蠅頭小楷書經前有黃箋墨書經

目佛說五十三佛大因緣經佛說三十五佛名  
經稱揚諸佛功德經金剛般若波羅蜜經妙法  
蓮華觀世音菩薩普門品般若波羅蜜多心經  
聖妙吉祥真實名經無量壽佛真言佛頂大白  
傘蓋楞嚴陀羅尼經佛頂尊勝總持經咒大悲  
觀自在菩薩總持經咒大隨求陀羅尼神咒經  
三大士真言文殊師利菩薩神咒救度佛母神  
咒沙幹佛母神咒摩利支天菩薩陀羅尼滅惡

趣神咒大威德熾盛光如來消災吉祥陀羅尼  
金剛心咒般若心咒金剛手菩薩神咒壞相金  
剛根本咒百字神咒金剛壽命真言紅色怖畏  
真言黑色怖畏真言馬曷葛立真言慧忿怒咒  
馬曷葛刺神咒每經咒前俱有畫像另簽標名  
清漢蒙古文四體書金剛經普門品佛頂尊勝  
總持經咒大悲總持經咒五種前俱有永樂御  
製序文與字字號內府金藏冊同不重錄其真



實名經前永樂御製序云蓋聞真實名經者是  
諸如來超出有壞智身極顯密微妙正覺菩提  
其義深廣猶如意大寶珠寶中最勝故能利益  
有情增長福慧超離塵垢脫除惡愆消弭煩惱  
解釋魔障令彼一切清淨圓滿即登彼岸普曼  
殊室利弘大慈悲發大誓願以是最妙吉祥作  
大方便敷揚奧旨拯拔輪迴以此饒益功德無  
際朕惟如來施教但與世人為善夫為善者為

臣為忠為子為孝忠臣孝子行一事而不敢以  
忘君出一言而惟恐以辱親盡心于夙夜而毫  
髮之欺弊不敢以萌于心鞠躬于朝夕而頃刻  
之奉承不敢以違于志心惟一于善而無纖芥  
之惡若是者則何有于愆尤煩惱但為不善之  
人不忠于君不孝于親背理傷道積愆累惡所  
謂報業亦于此人乎施如仰面唾洩反見自汗  
背拳搏擊反見自傷觸犯憲條身入狴犴即為

地獄如茲果報不爽絲忽若此輩流素蘊不忠  
不孝之心一旦苟能改悟移不忠以為忠移不  
孝以為孝去惡而為善則即善人而已朕弘垂  
愍念推廣慈仁故以是經功德與之懺悔猶熱  
濯寒泉頓得清涼飢餐香積頓能成飽貧窮卑  
賤即得高勝年齡不永皆得長壽諸衆善根圓  
滿具足若當露居而忽成樓宇若涉波濤而忽  
遇舟航如蓮花之出水不染淤泥如鷗鵬之渾

游逍遙雲漢凡修善之士欲求佛道堅持禁戒  
精進不已能求是經求真實顯密奧義即得五  
眼清淨六識皆空自然超萬有而無心含萬動  
而恒寂擴清塵習妙踐真如是用光闡大猷敷  
贊元化彰述厥旨以翼流通致力于斯者宜盡  
心焉永樂九年七月十五日計一百九十四頁  
冊面有貝葉文又有另簽四體釋文頁高二寸  
廣三寸八分

明人書內府金藏經一冊

上等洪一

墨箋本泥金蠅頭小楷書第一分金剛經第二分普門品二經前俱有永樂御製序文與字字號內府金藏一冊同不重錄第三分心經經前俱有佛像泥金畫通計三十九頁頁高二寸一分廣三寸七分上下用墨箋鑲裱

明人書內府金藏經一冊

上等荒一

墨箋本泥金蠅頭小楷書冊首有貝葉文第一

分五十三佛大因緣經第二分三十五佛名經  
第三分稱揚諸佛功德經第四分金剛經第五  
分普門品二經俱有永樂御製序文與字字號  
內府金藏一冊同不重錄第六分心經每經前  
俱有佛像泥金畫計六十九幅高二寸三分廣  
二寸一分

明人書法華經七冊

上等  
日一

磁青箋本泥金楷書首冊前有佛像泥金畫七

冊末頁下角有太極八卦印一第一冊計七十  
二頁第二冊計七十六頁第三冊計六十八頁  
第四冊計八十頁第五冊計七十六頁第六冊  
計七十二頁第七冊計六十三頁頁高八寸八  
分廣五寸六分

明人書法華經七冊

上等  
月一

漆箋本泥金楷書每冊前有佛像後有韋馱像  
俱泥金畫第一冊計八十四頁第二冊計八十

頁第三冊計七十八頁第四冊計九十一頁第五冊計八十八頁第六冊計八十三頁第七冊計六十七頁頁高一尺一寸四分廣七寸六分

明人書心經金剛經合冊

上等  
盈一

磁青箋本泥金楷書前心經後金剛經經名下俱有貝葉文冊前有佛像後有韋馱像俱泥金畫金剛經內每分上俱有佛像通計五十二頁高一尺廣六寸八分



明人書華嚴經八十一冊

上等  
是

漆箋本泥金楷書八套七套俱十冊第八套十  
一冊每套首冊俱有佛像末冊俱有韋馱像俱  
泥金畫經前有宣德御製序云朕惟天之高也  
地之厚也日月之明也四時之運行無息也皆  
有常理可以推測而知也惟佛之道不可以推  
測知蓋宵乎無根柢之可究茫乎無方所之可  
求先天地不見其始後天地不見其終窮神極

妙入幽出明并苞宇宙貫通萬類而利濟一切者也故驚山所傳貝葉所紀浩浩乎烟海之富而皆敷演元秘宣示突奧燭迷途而朗照梁覺海以弘通功德之盛廣大幽遠朕萬幾之暇時復披閱潛心思惟有契佛旨蓋物之旨要體用二端體以立本用以顯功用之著者莫盛華嚴欲希如來必道于此夫佛為天人師于立教也必以開悟萬劫朕為天下主于立德也必將惠

濟萬有體佛之心循佛之願永念是經之功思  
布生靈之福用金繕寫以表尊崇歡喜讚歎序  
諸篇首大明宣德五年二月初二日第一冊計  
三十七頁第二冊計三十七頁第三冊計三十  
八頁第四冊計四十二頁第五冊計三十三頁  
第六冊計四十二頁第七冊計四十三頁第八  
冊計三十六頁第九冊計三十五頁第十冊計  
三十一頁第十一冊計三十頁第十二冊計三

十三頁第十三冊計四十三頁第十四冊計四  
十四頁第十五冊計三十八頁第十六冊計五  
十頁第十七冊計四十九頁第十八冊計二十  
九頁第十九冊計四十三頁第二十冊計三十  
九頁第二十一冊計三十頁第二十二冊計四  
十三頁第二十三冊計四十一頁第二十四冊  
計三十九頁第二十五冊計三十八頁第二十  
六冊計三十八頁第二十七冊計四十三頁第

二十八冊計五十頁第二十九冊計二十九頁  
第三十冊計三十三頁第三十一冊計四十四  
頁第三十二冊計二十七頁第三十三冊計二  
十九頁第三十四冊計四十二頁第三十五冊  
計三十二頁第三十六冊計二十九頁第三十  
七冊計三十六頁第三十八冊計四十三頁第  
三十九冊計四十四頁第四十冊計二十九頁  
第四十一冊計三十二頁第四十二冊計三十

五頁第四十三冊計四十四頁第四十四冊計  
四十八頁第四十五冊計三十四頁第四十六  
冊計三十三頁第四十七冊計三十七頁第四  
十八冊計四十五頁第四十九冊計二十五頁  
第五十冊計四十五頁第五十一冊計三十九  
頁第五十二冊計三十九頁第五十三冊計三  
十六頁第五十四冊計三十六頁第五十五冊  
計三十六頁第五十六冊計四十二頁第五十

七冊計四十頁第五十八冊計四十四頁第五  
十九冊計四十七頁第六十冊計五十二頁第  
六十一冊計三十九頁第六十二冊計三十九  
頁第六十三冊計四十頁第六十四冊計三十  
七頁第六十五冊計三十九頁第六十六冊計  
四十六頁第六十七冊計三十八頁第六十八  
冊計四十七頁第六十九冊計三十九頁第七  
十冊計四十頁第七十一冊計五十頁第七十

二冊計三十五頁第七十三冊計一十九頁第  
七十四冊計二十六頁第七十五冊計五十一  
頁第七十六冊計四十二頁第七十七冊計五  
十六頁第七十八冊計四十七頁第七十九冊  
計三十一頁第八十冊計四十一頁第八十一  
冊計二十九頁頁高一尺二寸七分廣九寸

秘殿珠林卷四



欽定四庫全書

秘殿珠林卷五目錄

貯

乾清宮五

無名氏書

釋氏經冊次等

明人書藥師經一冊

明人書大悲總持經咒佛頂經咒合冊

明人書藥師經一冊

明人書陀羅尼經一冊

明人書普門品心經合冊

明人書無量壽經一冊

明人書楞嚴圓覺二經合冊

明人書日誦諸經一冊

明人書報恩經七冊

明人書普門品心經合冊

明人書普門品心經合冊

明人書陀羅尼經一冊

明人書文殊求修法儀一冊

明人書金剛經一冊

明人書無量壽經一冊

明人書諸品經咒一冊

明人書心經金剛經彌陀經普門品合冊

明人書心經金剛經彌陀經普門品合冊

明人書彌勒上生經一冊

明人書大悲總持經咒佛頂經咒合冊

明人書金剛經一冊

明人書心經金剛經合冊

明人書金剛經一冊

明人書金剛經一冊

明人書金剛經一冊

明人書金剛經一冊

明人書金剛經一冊

明人書法華經七冊

明人書法華經七冊

明人書華嚴經八十一冊

國朝人書普門品金剛經藥師經一套三冊

國朝人書金剛經一冊

國朝人書藥師經一冊

國朝人書藥師經一冊

國朝人書無量壽經二冊

國朝人書金剛經一冊

欽定四庫全書

秘殿珠林卷五

貯

乾清宮五

無名氏書

釋氏經冊

明人書藥師經一冊

次等天一

磁青箋本泥金書前有佛像後有韋馱像俱泥

金畫計五十二頁

明人書大悲總持經咒佛頂經咒合冊

次等  
地一

磁青箋本泥金書冊前後俱有貝葉文每經首  
俱有永樂御製序文前俱有佛像後俱有韋馱  
像泥金畫計五十四幅

明人書藥師經一冊

次等  
元一

磁青箋本泥金書前畫佛像經文中佛像互見  
前後經名佛像下俱有金書善女宜安郡主敬



禮八小字計五十六頁

明人書陀羅尼經一冊

次等黃一

磁青箋本泥金書前有佛像著色畫計四十二頁

明人書普門品心經合冊

次等字一

磁青箋本泥金書前有佛像後有韋馱像經文中佛像互見俱泥金畫計五十六頁

明人書無量壽經一冊

次等宙一

素箋本楷書前有佛像後有韋馱像又經前十  
三觀圖像附見俱著色畫計九十六頁

明人書楞嚴圓覺二經合冊

次等  
洪一

素箋本計八十一頁

明人書日誦諸經一冊

次等  
荒一

素箋本楷書第一分金剛經第二分心經第三  
分普賢行願品第四分普門品第五分阿彌陀  
經第六分大佛頂首楞嚴咒第七分大悲心陀

羅尼經尾有西方願文一篇前有佛像後有章  
馱像俱白描畫計三十八頁

明人書報恩經七冊

次等  
日一

磁青箋本泥金書首冊前有佛像末冊後有章  
馱像俱泥金畫第一冊計六十一頁第二冊計  
五十六頁第三冊計五十五頁第四冊計五十  
六頁第五冊計五十三頁第六冊計六十六頁  
第七冊計四十七頁

明人書普門品心經合冊

次等月一

磁青箋本泥金書前有佛像後有韋馱像經文中圖像互見俱泥金畫計五十六頁

明人書普門品心經合冊

次等盈一

磁青箋本泥金書圖像冊數俱與月字號同

明人書陀羅尼經一冊

次等是

墨箋本泥金小楷書前有佛像後有韋馱像俱

磁青箋本泥金畫計三十幅

明人書文殊求修法儀一冊

次等  
辰一

磁青箋本泥金小楷書前有佛像後有韋馱像  
經文中圖像互見後幅經前有大明成化二十  
年二月吉日製十二字計七十三頁

明人書金剛經一冊

次等  
宿一

磁青箋本泥金書前有佛像後有韋馱像又金  
剛菩薩十二像俱泥金畫末頁經牌內有永樂  
二十年書經記語計五十一頁

明人書無量壽經一冊

次等  
列一

磁青箋本泥金書前有佛像後有韋馱像俱泥  
金畫計二十五頁

明人書諸品經咒一冊

次等  
張一

磁青箋本泥金書前有佛像後有韋馱像俱泥  
金畫末頁有宣德元年六月初七日九字計三  
十七頁套裏有崇禎時人郭振明記裝潢月日  
冊背有貝葉朱文

明人書心經金剛經阿彌陀經普門品合冊

次等

一寒

墨箋本泥金書第一分書心經第二分書金剛經第三分書阿彌陀經第四分書普門品冊前有佛像後有韋馱像俱泥金畫通計一百二幅

明人書心經金剛經彌陀經普門品合冊

次等  
來一

磁青箋本泥金書第一分書心經第二分書金剛經第三分書阿彌陀經第四分書普門品每

經前俱有佛像冊末有韋馱像俱泥金畫末頁  
有宣德歲次癸丑施經記語施經人姓名塗洗  
失真通計七十八頁

明人書彌勒上生經一冊

次等  
暑一

素箋本楷書經前十五頁有佛圖像後有韋馱  
像俱著色畫末頁經牌金書記大明嘉靖十五  
年二月戊子日繪繕十四字計五十七頁

明人書大悲總持經咒佛頂經咒合冊

次等  
往一



磁青箋本泥金小楷書冊前有貝葉文每經前有佛像後有韋馱像俱泥金畫通計三十四頁

明人書金剛經一冊

次等  
秋一

磁青箋本泥金書前有佛像後有韋馱像俱泥金畫末頁有永樂十八年施經記語計四十五

頁

明人書心經金剛經合冊

次等  
收一

磁青箋本泥金書冊前有泥金畫佛像畫下有

佛弟子周知敬寫七字計三十五頁

明人書金剛經一冊

次等  
冬一

磁青箋本泥金書前有佛像後有韋馱像俱泥

金畫計五十二頁

明人書金剛經一冊

次等  
藏一

素箋本楷書計四十頁

明人書金剛經一冊

次等  
閏一

磁青箋本泥金書前有佛像泥金畫計四十七

頁

明人書金剛經一冊

次等  
餘一

朝鮮表箋本楷書前有佛像後有韋馱像俱白描

畫計三十九頁

明人書金剛經一冊

次等  
成一

墨箋本泥金書前有佛像後有韋馱像俱泥金

畫計五十二頁

明人書法華經七冊

次等  
歲一

磁青箋本泥金書每冊前有佛像後有韋馱像  
俱泥金畫首冊經牌內有明仁宗御讚每冊經  
牌有比丘大佑讚末冊有董其昌跋一第一冊  
計六十六頁第二冊計六十六頁第三冊計六  
十三頁第四冊計七十五頁第五冊計七十二  
頁第六冊計六十七頁第七冊計五十九頁

明人書法華經七冊

次等  
律一

磁青箋本泥金書首冊前有佛像末冊有韋馱

像俱泥金畫第一冊計五十四頁第二冊計五十一頁第三冊計五十頁第四冊計五十九頁第五冊計五十六頁第六冊計五十三頁第七冊計四十五頁

明人書華嚴經八十一冊

次等  
呂一

墨箋本泥金楷書共十六套末套六冊餘俱五冊每套末冊經尾左頁經牌記成化六年九月十九日昭德宮施十三字前有佛像後有韋馱

像俱泥金畫第一冊計四十五頁第二冊計四  
十七頁第三冊計四十九頁第四冊計五十三  
頁第五冊計四十二頁第六冊計六十三頁第  
七冊計五十八頁第八冊計四十七頁第九冊  
計四十八頁第十冊計四十七頁第十一冊計  
三十八頁第十二冊計四十五頁第十三冊計  
六十四頁第十四冊計五十三頁第十五冊計  
四十六頁第十六冊計六十七頁第十七冊計

六十三頁第十八冊計三十七頁第十九冊計  
六十二頁第二十冊計五十一頁第二十一冊  
計三十七頁第二十二冊計五十八頁第二十  
三冊計六十頁第二十四冊計五十二頁第二  
十五冊計五十二頁第二十六冊計五十三頁  
第二十七冊計五十九頁第二十八冊計六十  
六頁第二十九冊計三十九頁第三十冊計四  
十四頁第三十一冊計五十五頁第三十二冊

計三十五頁第三十三冊計三十七頁第三十  
四冊計六十一頁第三十五冊計四十三頁第  
三十六冊計三十九頁第三十七冊計四十八  
頁第三十八冊計五十七頁第三十九冊計五  
十七頁第四十冊計三十九頁第四十一冊計  
三十七頁第四十二冊計四十八頁第四十三  
冊計六十頁第四十四冊計七十頁第四十五  
冊計四十三頁第四十六冊計四十三頁第四



十七冊計五十頁第四十八冊計六十頁第四  
十九冊計四十一頁第五十冊計五十八頁第  
五十一冊計五十三頁第五十二冊計五十一  
頁第五十三冊計四十九頁第五十四冊計四  
十八頁第五十五冊計四十九頁第五十六冊  
計五十七頁第五十七冊計五十四頁第五十  
八冊計六十頁第五十九冊計七十四頁第六  
十冊計七十五頁第六十一冊計五十一頁第

六十二冊計五十二頁第六十三冊計五十五  
頁第六十四冊計五十二頁第六十五冊計五  
十三頁第六十六冊計六十二頁第六十七冊  
計五十三頁第六十八冊計五十六頁第六十  
九冊計五十七頁第七十冊計五十七頁第七  
十一冊計六十七頁第七十二冊計五十一頁  
第七十三冊計五十二頁第七十四冊計三十  
七頁第七十五冊計七十六頁第七十六冊計

六十頁第七十七冊計八十頁第七十八冊計  
六十五頁第七十九冊計四十三頁第八十冊  
計五十四頁第八十一冊計四十頁

國朝人書普門品金剛經藥師經一套三冊

次等

調一

灑金箋本楷書第一冊計二十五頁第二冊第  
三冊俱計六十九頁

國朝人書金剛經一冊

次等  
陽一

墨箋本泥金書前有佛像後有韋馱像俱泥金

畫計六十頁

國朝人書藥師經一冊

次等雲一

素箋本楷書計四十一頁

國朝人書藥師經一冊

次等騰一

灑金箋本楷書計四十二頁

國朝人書無量壽經二冊


次等致一

素箋本隸書上冊計五十六頁下冊計六十頁

國朝人書金剛經一冊

次等  
兩一

素箋本篆書計五十三頁



秘殿珠林卷五